

## **ВАНДЫ ПАНЖЕВИ СТИРЬНЯНЬ И ОД АВАНЬ РЕСПУБЛИКАНСКИЙ II-ЦЕ С'ЕЗДСЬ**

Ванды панжеви стирьнянь и од авань республиканский II-це с'ездс. С'езду сайхть лучшей производственникат—стахановкат и ударникат, конат фабрикаса и железнодорожной транспортса, колхозса и совхозса, школаса и учрежденияса эсь работасот в'фнихть замечательнай работань образецт, конат безгранична преданнайхть Ленинонь—Сталинонь партияти и советский власти. С'езду сайхть мокшень и эрзянь, рузонь и татаронь стирьнят и од ават, конат кода и многонациональный советский народс анокт любой минута арелямс эсь счастливый родинасон и максомс сокрушительнай отпор кие аныцек эцесы тувонь няренц советский модать лангс.

Мордовиянь стирьнятне и од аватне, кода и СССР-нь сембе аватне, навсегда освобожденнайхть кафтонь ирда гнетть эзда. Синь лангсост навсегда валгсь домашний и помещичье-кулацкий кабала. Навсегда машфт неравенства алять и авать йоткса. Советский авась—мирса сембодонга счастливый авась. Сонь, кода и алять улихть праванза трудити, образования, баймамати, нят праватне навсегда кемокстафт социалистический государствас основной закононц—Сталинский Конституция эса.

Праватне, конат максфт советский авати, синь сатфт долгай и упорнай революционной тюремаса. 1899 кизоня, мзярда В. И. Ленин ульс ссылкаса, и работамок партиянь программань проектонц лангса, подчеркивал прогнматись ормадомс алять мархта фкакс авати полнай правань максомать колга пунктть необходимостени. Тя пунктсь ульс о'ушественнай снйрда, мзярда Ленинонь—Сталинонь партиянь руководстванц ала рабочей классс работница авать лезксонц вельде сявозе властть эсь кядезонза.

И вов кафта кизода меле, 1919 кизоня В. И. Ленин сформадсь: „Ня закотинень эзда, конат путнезь авать подчинениянь положениас, советский республикас ашезь илял кев кевонь лангс“ Н. К. Крупская ялгась эсь фкя выступлениясонза приводил тяфтама замечательнай эпизод: „Весть—корхтай Крупская ялгась—мзярда минь Владимир Ильичь мархта молема Союзонь Кудть эзда Кремля, минь васьфтемазь конференциянь делегаткат—нацменкат. Синь няезь Владимир Ильичь и пяк разволновались. Фкясь нежедсь фталга и ашкодозе сонь. Синь корхтазевсть кажнайсь эсь кыльсонза и аварьгадсть. Владимир Ильич сонць страшна ульс взволнованнай. Сяда меле, мзярда минь тумесяда тов, сон азозе: „Кеподсть самай нисне, тани социализмат победац минь странасонк обеспеченнай“.

Кемгафксува киза йотась ся пингть эзда, мзярда Ленин отметил, што кеподсть „самая нисне“. Минь странасонк авась алять мархта

фкакс завоевали эстейст социалистический обществань строителень полноправнай звания, конат анокт партиянь васеньце терьдеманц коряс полафтомс эсь алясон, мирдсьон и брэдсон любой участкаса. Минь странасонк аш авати кодамовок преградат или рогаткат сонь творчестванц кеподеманцты. Советский авати везде панжада кись. Кда сон йорай улемс врачекс, инженеркс, техникукс, летчицакс, партийнай и советский руководителкс и ст. тов., тейнза сембе возможносттне максфт.

Троцкистско-бухаринский гадинатне йорасть мимс минь странаньконь японо-германский фашизмат и максомс кровавай зверинай лапатненъ алу советский авагь. Но тейст тя тиэмс ашезь удада и ащи удадай. Советский стирьнятне и од аватне, марса советский народть мархта славнай сталинский наркомть Н. И. Ежовть руководстванц вельде разгромили фашисткий наймиттненъ и падапес громиндасазь синь последствиясон.

Эряви азомс, што мордовский комсомольский организациясь стирьнятненъ и од аватненъ йоткса работаса ноллаф эсь эльбиятксонзон петнесыне пяк саворста. Мордовский комсомольский организациясь по-большевистски тячемс ашезь ушед работам стирьнятненъ и од аватненъ йоткса. Стирьнятне и од авань р-йоннай конференциятне няфтезь, што сембе работас стирьнятненъ и од аватненъ йоткса йотафневсь самотеком. Стирьнятне и од аватне ашесть таргсев общественно-политический эряфти. Комсомолонь райкомтне, комсомольский организациятне, комсомолонь обкомс ашесть интересован дакшне стирьнятненъ бытсон и работасон мархта. Синь ашезь кепсе стирьнятненъ инициативасон сян инкса, штоба нинге сида пяк келептемс и касфтомс стахановский ряттненъ од стирьнятненъ йоткса. Комсомольский организациятне ашезь няфне од стирьнятненъ и од аватненъ стахановский работань показателсьон илялхенди. Рузаевкань райононь, Л. вж, Перхлий, Болду велетненъ эса комсомольский организациятне од стирьнятненъ йоткса кодамовок работа ашесть йотафне. Ня велетненъ эса аф кржа од стирьняда-стахановкада, но синь комсомольский организациятне не окружили большевистский заботаса, ашесть лезда синь работасонды. Левжа велеса Чугунова М. комсомолкась аф калдывста работай колхозса бригадиркс. Сян вастс, штоба тейнза лездомс, цьоратненъ, нльня и комсомоленинь ширде Чугунова ялгати можна сидеста кулемс аф ялгань отношения.

Стирьнятне и од авань республиканский II-це с'ездс лихтсьне сембе афсатыксненъ синь йотксост работаса и наметит конкретнай мероприятият сяда товодонь работать цебарьгафтоманцты.



Соревнованияса сембода замечательнайсь ащи сян эса, што сон тии коренной переворот трудть лангс ломаттненъ възглядсост сяс, што сон трудть зазорнай и стака бремя эзда, кодамкс сон лувондовсь инголи, тийсы честень тевкс, славань тевкс, доблестень и геройствань тевкс.

СТАЛИН

**Валочкин Алексей Дмитриевич.**—Выдвинул Саранский райононь Атемарский МТС-нь комсомольский организациясь. Атемарский МТС-нь 1 № тракторнай бригадань бригадирсь. Тундань видеуста и паринань сокамста сонь бригадац МТС-са зайнязе васеньце вастть.

**Шамин Николай Иванович.**—Выдвинул Б.-Березниковский райононь Паракинский комсомольский организациясь. Ударник. Кафта лемех плугса норманц пшкотькинезе 180 процентс. Активный общественной работник. Цебарь работать инкса колхозонь правлениясь колмокс премировал.

**Адушкин Михаил Александрович.**—Выдвинул Б.-Березниковский МТС-нь комсомольский организациясь. Сеяльщик-стахановец. II-ряднай сеялкаса норманц пшкотькинезе 180 процентс. Нилекть ульс премировандаф. ВЛКСМ-нь комитетть секретарец.

## **Испанияса фронттненъ эзга**

### **Леванта фронтс**

Испанский оборонань министерствать июль 10-це шинь сообщениязон коряс, Леванта фронтса моли упорнай ожестаченнай сражения Артань и Суэрос велетненъ юг ширеса. (Онда и Вивер райоттненъ йоткса). Республиканский войскактне стойкаста отражают мятежникиненъ и интервенттненъ люпштамасон, йотнемок энергичнай контратакас.

### **Восточный фронтс**

Шовдава июль 9-це шистонза Сорт сектора мятежникине котоксть атаковандакшнезь республиканецненъ позициясон Фуэнте де ла Сеоть ваксса, конат ащицхть Пьедрас де Ало высотаса. Республиканский войскактне ладнек отражали нят атакатненъ, тийсть вракти оцю юмафкс. Эбро лийть ниж-

ний течениянь районзонза республиканецне йотамок лийть види ширень берягонзонза, тийсть неожиданнай нападения мятежникиненъ расположениясон лангс, сяссть пленнайхть и военной материалхт. Иля фронттненъ эзга существеннай мезевок ашезь йота.

Июль 9-це шистонза пале ве йоткть колма фашистский самолетт нежедсть Валенсиять малас. Синь васфтьфт зенитнай батареянь толса, эраскодозь йордасть лама бомбат портонь району, бомбатне прасть моряв и ашесть тий кодамовок материальной ущерб и жертва. Сяка жа веня подвергались бомбардировкас Силья, Альхемеси, Альхинег и Берьяфо велетне, конат ащицхть Валенсиять юг ширесонза. Бомбардировкань результатса улихть населениять йоткса жертват.

## **Народти службась**

**Чамзинка.** Репьевский больницафь фельдшерть Казанковть содасы сембе районц, кода цебарь работиконь Казанков ялгась сире фельдшер. Нинге империалистический и гражданский войнатненъ пингста сон работакшенсь ротнай фельдшеркс.

Цебарь работать инкса сон ульс ламоксть премированной, ламоксть ульс преподнесеннай благодар-

ность. Казанков ялгась эсь работанц пяк кельсь, сяс и цебарьста работай. Вежливайста и бережнайста относится срядихенди, аф стак можнат марамс сонь колганза аныцек цебарь отзыфт. Сон хогь сире, но советский медицинаса работай кода од. Сонь касы мялец, мзярда тейнза сайхть срядихне эсь брэдонза и сестранза—трудяйн стирьхть и цьорат.

Суелин.



# КЕПОДЕМС ПОЛИТИЧЕСКАЯ АКТИВНОСТЬ СНОН СТИРЬНЯТНЕНЬ И ОД АВАТНЕНЬ— КОМСОМОЛТЬ НЕОТЛОЖНАЯ ЗАДАЧА

## Трудсь—монь кельговикс тевозе

Работамс колхозса и вельф пшкотькшнемс производственной норматненъ—тя оцю и почетнай тев. Мон работан Крупская лемса колхозса, коноплеводческой звенаса. Звенасонк сембе стирьнят и од ават. Сянь инкса, штоба пшкотькшнемс вельф производственной норматненъ, минь кемокстае эсь йотксонк социалистический договорхт. Соцсоревнованият вельде минь эсь работасонк няфнетяма работань замечательнай образецт. Мон, эсь подругазень Тятюшкина Наталья мархта зарабатываем 5 трудовит.

Трудсь тя монь кельговикс тевозе.

В. Ледяйкина

Кочкуровка р-н.

## Сембе вийзень максан народть благанцты

Аф ыкставихть ня кизотне, мзярда мон работань кулаконь ширеса нянькакс, работакшнемс шинек венек, а пекозе ашезь топотышнем, лангозе ашезь шакшнев. Аньдек Октябрьский революциясь валхтозень авать лангста двойной гнетть—кулацко-помещичайть и домашняйт. Тейнек, аватненди, максфт алять мархта равнай прават: трудти, образования и ваймамат. Нят праватне навсегда тейнек кемокстафт Сталинский Конституцият эса.

1926 кизоста сямомок мон работан общественной работаса. Цебярь работазень инкса 1926 кизоня монь кочкамаз Пенза ошу делегаткань с'ездс, а 1927 кизоня кочкамаз Моску ошу делегаткань с'ездс. Мзярда монь мархтон йотафгсь Калинин ялгась беседа, няня и чувствовал оцю радость, што минь, аватненъ колга заботендай партиясь и правительствась.

Тя делегаткань всесоюзной с'ездс монь нинге сяда пяк кепозень вийнень и энтузиазмазень общественно-политический эряфти.

Тяни мон работан Рузавкань р-ца, Болду велеса вельсоветонь председателкс. Работан аф калдывста.

Аньдек минь странасонк авати максфт сембе возможностьне. Тейне доверили оцю и почетнай работа и мон сембе вийзень максса народть благанц инкса.

Н. Алешева.

Рузавкань р-н



АЛШЕВА НАТАЛИЯ ВАСИЛЬЕВНАСЬ  
Болдова велень (Рузавкань район) советт председател

## ОД АВАНЬ И СТИРЬНЯНЬ ГОРОДСКОЙ КОНФЕРЕНЦИЯСТА

Июль 11—12-ше шинзон пингста МКСХШ-нь залса йотась Саранск ошень одавань и стирьнянь конференция.

Конференцият работаса примась участия 141 одава и стирьня. Бурнай и ламос моли аплодисмент мархта делегатне кочказь Сталин ялгать и сонь маластонь соратниконзон Молотов, Калинин, Андреев, Ворошилов, Микоян, Ежов, Каганович, Хрушев, Димитров, Жданов, Крупская и Хозе-Диас ялгатненъ почетнай президиуму.

Тяда меле од аватненъ йоткса работать колга и аватненъ лангс ваномаса крепостнический пережиткатненъ каршестюремать колга доклад мархта выступил ВЛКСМ-нь Мордовский обкомт секретарец Ларионова ялгась. Сон эсь докладсонза ознакомил делегаттненъ оязоронь властть пингста авать эряфонц, и тяни СССР-нь авать эряфонц мархта. Азондозе кодама работа йотафникхт комсомольский организациятне од аватненъ и стирьнятненъ йоткса.

Конференцияса выступающий ялгатне кемоста критиковандазь кой-кона первичнай организациятненъ работасон, што синь калдывста работаст од аватненъ и стирьнятненъ йоткса. Лама первичнай организацият, кода например, сартЭЦ-онь первичнай организациясь 1938-це кизоня фкявок од ава комсомолу ашесть прима. Особенна калдывста ладяф политиковоспитательнай и военно-физкультурнай работаст. Ошса 1115 комсомолка и лама афсоюзнай од ават, но синь эздост спортонь и военной тевонь разнай видонь значкиста пяк кржа. Ворошиловский стрелоконь значкиста ошса сембоц 181 од ава. Кой-кона комсомольский, профсоюзнай и советский организациятне недооценивают аватненъ йоткса военно-физкультурнай работаст, синь руководителсна арьсикхт, што "тя тевса должетт занимандакшнемс аньдек алятне, а аватне бта аф обязательна". Тяфтама суждениятненди эряви путомс пе. Стирьнятненъ оцю мялсна занимандакшнемс парашютнай тевса, но Саранский-са тя тевсь аф йотафневи. Ули парашютнай вышка, а работа эсонза кодамовок аш.

Ошса кафта тьожянда лама аф грамотнайда и малограмотнайда конатненъ эзда 85 % ават. Местнай промышленностень наркоматса 300 рабочайста 260 аф грамотнайхт и малограмотнайхт.

Калдывста выдвигали и выдвигают од аватненъ руководящей работас. Первичнай комсомольский организациянь секретарькс работайхт аньдек 17 од ава, а пропагандистокс аньдек—5.

Конференциясь отметил лама хозяйственной организациянь аф удовлетворительнай работасон сянь колга, што синь не выдвигают од аватненъ руководящей работас и аф максикхт тейст работамс эрявикс условият. Мордпотребсо-

юзса аш краснай уголок, аш клуб. Улихт музыкальный инструментна, но синь йордафт коридорти и шямониякшникхт. "Пенькоджуткомбинатса общежитиятне антисанитарнай состояниясот—рдаз, аш лакаф ведь и стак тов.

Выступающий ялгатне кемоста критиковандазь ВЛКСМ-нь горкомт и первичнай организациятненъ сянь колга, што синь йотникхт крепостнический пережиткань факттенъ вакса, а тяфтама фактта пяк лама. Вов, например, Местнай промышленностень наркоматса комсомолець Гринин издевался ингольденъ урванц и тянийнъ урванц лангса. Комсомолець Кошкин (муздравучилища) кадозе йомла идь мархта урванц и урвяясь ученица лангс. Кой-кона алятне аерфнесазь эсь урвасон политический и общественной эряфть эзда. Кирдысзь синь аньдек кудонь тевса. Тяфтама фактт ульсть военной складса, кося фкя командирсь урванц нльня политзанятиясь и демонстрациясь афольхце новля.

Замечательнай выступления стройтрестонь стахановкаты Аверкина ялгать. Сон васендакиге азсь благодарность коммунистический партияти и минь вожденьконди Сталин ялгати, сяс мес сон макссь тейнек, прават, макссь счастливый и радостнай эряф. "Монь оцю мялезе сувам комсомолу—корхтай Аверкина ялгась, но мон йофси аф содаса коза инколкиге обратиться, штоба сувам комсомолу. Монь мархтон кивок мезень колганга вестенге ашезь корхта. Минь эздонк—стахановкада целай бригада, но кода минь работатама, кода эрятама, аф комсомольский, аф партийнай, аф профсоюзнай организациятне аф содасазь, сяс мес синь мезьнятка аф тиендикхт, а городской организациятне тя положеният стройтрестса пяк лац содасазь, но мерат кодапка аф примосикхт.

Конференциясь указал, што антирелигиознай работаст ошса ладяф пяк калдывста, тянь сюнеда ошса лама од ават ваныхт религиознай обрятт и стак тов.

Но эряви азомс, што критикась конференцияса афсатомшкаль. Критиковандасть башка ломатть, а ВЛКСМ-нь горкомт и первичнай комсомольский организациятненъ критиковандазь калдывста. Пяк кржа корхтасть бытса крепостнический пережиткатненъ илядыксон колга. Валга ашесть азонда сят од аватненъ колга, конат допускают крепостнический пережиткат.

Од авань и стирьнянь республиканский с'ездти эрявикхт учесть йотаффт конференциятненъ аф сатыкссна, штоба аф нолдамс синь с'ездть работаса.

М. Сайгин.

Саранск ош.



КУЗМИНА ПЕЛАГЕЯ ПЕТРОВНАСЬ,  
Левжа велень (Рузавкань район) советт председател.

## Монь воспитандамань партиясь и Ленинский комсомолсь

Монь эряфозе, тя эряфсь—минь родинаньконь счастливый стирензон и аванзон эряфсна. Советский авась, конанцулихт праванза трудти, ваймамат и образования, народнай хозяйствать сембе отраслязон эса няфни партияти и правительствати действительнай патриотизм. Тя няеви сянь эзда, што фабрикава и заводга, колхозга и совхозга, школава и учреждениява касыхт стирьнятненъ и аватненъ эзда стахановский ряттне, касыхт аватненъ эзда инженерхне и техникне, партийнай и советский руководителхне.

Монь, сядынгольденъ нишайнъ семьяста стирьнят, партиясь, советский властсь и Ленинский комсомолсь воспитандамань и касфтомань ответственной работникакс. Васенда работакшнемс колхозса бригадиркс, цебярь работазень инкса мон ламоксть улень казф питни вещаса и улень кучф Саранск ошу МКСХШ-в тонафнема. МКСХШ-ть аделамда меле мон эсь веленьконь трудящайнза кочкамаз вельсоветонь председателкс. Вельсоветса непосредственной работадон башка, мон работан эсь лангсон. Регулярна лувондан газетат, художественнай литература.

Эряви азомс, што комсомолонь райкомсь выдвигенец стирьнятненди лезды пяк калдывста. Мон, кода киза ни работан вельсоветонь председателкс, но комсомолонь райкомсь весть хоть интересовался ба монь работазень мархта.

Надян, што мон нинге сяда цебярьста карман работата и оправдандаса народть довериянц честь мархта.

П. Кузмина.

Рузавкань р-н

## Кярьмодемс работати

Афсоюзнай одломаттненъ йоткса массово-разъяснительнай работаст вятемац—тя комсомолть фкя инь важнейшай задаца, конац ащи условиякс Ленинский комсомолть рядонзон касомаснонды.

Но тя важнейшай задаца калдывста шарьхкодезе Кулдым велень комсомольский организациясь. Комсомолечне афсоюзнай одломаттненъ йоткса кржа улендикхт, афсоюзнай одломаттненди, а тяфта жа колхозникненди докладт, лекцият аф тиендевикхт. Сяс и комсомольский организациясь йофси аф касы.

Вертелимский р-н.

Ученик.



# КАСФТОМС СТИРЬНЯТНЕНЬ И ОД АВАТНЕНЬ ЙОТКСТА ОД РУКОВОДЯЩАЙ КАДРАТ

## Байгушкина колхозницать сатфксонза

Кодамовок иля странаса аш тяфтама счастливой эряф аватненди, колама советский счастливой родинаса.

Оязоронь власть пингста аватне ашеть лувондов прокс ломаньска. Синь ульсть люпштафт, ашельхть кодамовок правасна, грамотас ашезь тонафне. трудсна лувондовсь пяк уездста. Тянь сюнеда аватне иляткшность фталу эряфть эзда.

Аньцек советский власть пингста аватне марязь прокс счастливой эряфснот. Синь получасть прават алятнень мархта ровнаста и работаса няфтезь пряснон кой-кона тевса алятнень коряс цебарьста. Советский власть пингста имать авать колга сплетнятне, што сон аф машты работама алять лаца.

Фабрикаса, заводса, военно-воздушнай тевса, колхозонь паксяса аватне арьсть минь счастливой родина-конди патриоткакс. Минь родинасонк машты сят тефне, конат афольхть тиев ба аватненди.

Вов мезе азонды эсь ингольден и тяниень эряфонц колга "Красный факел" колхозста, Кочкуровань районста колхозницась Байгушкина ялгась: "Октябрьский революцияда инголе мон эрьсень пяк калдывста, прязень трякшнине козятнень ши-

реса работаь. Ламоксть сашендовсь удсемс шава паксяса. Лезкс тейнь эста ашель костонга. Эрьсень пясес вачеда. Кда козя аляти мезенсонга аф саф'ови, паттянза работаста питнень апак пант.

Йофси илякс арась эряфозе советский власть пингста. Тяни, кда лятфтаса ингольден эряфозень, нинге сяда пяк кеподи ненавистезе вракнень лангс, конат йоразь мрдафтомс ингольден эряфть.

Мзярда ушедсь коллективизациясь, первайкиге мон сувань колхозу. Мон вов 8 кизот ни звенаводан и эрь кизоня монь звеназе пяхкотькшнесыне паксяса работамань норматнень вельф. Тянь мон сатыне звеназень йоткса эрь шинь беседань тиендезь. Мон звенасон азонкшнине, што честнайста и курокста работамась канды колхозникненди козя ши. Тянкаса аф весть получандакшнень премият ярмакса и вешзса. 1937 кизоня колхозоня правлени-яньке макссь тейнь премиянди ведраш". Вов тяфта корхтайхть од аватне и стирьнятне эсь счастливой эряфснот колга. Байгушкина ялгать сатфксонза архихть сатфксонкс сембе советский счастливой од аватненди и стирьнятненди.

Балашкин.

Кочкуровань район.

## Районца знатнай ломаттне

Великий Октябрьский революциясь валхтозе авать лангста угнетениянь сталмоть. Тя сталмось муцякшнезень насилиясь и угнетениясь. Сась ся эряфсь, конань пингста эрь ломанць счастливой и свободнай. Эряфсь арась цебарь и весяла. Авать эряфоц тяни макокс панжи. Советский Союзонь любой учрежденияса работай ава. Минь тяни можем сомненияфтома и нльня оцю гордость мархта азомс, што минь странань аватне сатнихть мировой рекордт. Аватне управляють аэропланонь рульса, аватне врачт, инженерхт, фкя валса азомс, што авась странасонк активной участница.

Вов "Серп и Молот" колхозонь колхозницась Сорокинась инголи сонь родителенза ульсть лишандафт политический праватнень эзда, работакшность кулакненди и помещикненди. Но сянь ингса синь стирьсна тяни "Серп и Молот" колхозса работай молочнай фермань заведующайкс и содасы сембе колхозсь, кода стахановкань. Работай цебарьста, сонь валонзон эзда няеви, што минь странасонк, кода аф кельгомс эсь работацень—

трудть, кда трудсь арась славакс и честекс, кда трудсь эрь гражданинти канни радость, счастья и цебарь эряф. Сонь работань показателенза стахановскийхть, ащихть кепотьксонди сембе колхозникненди. Работанц пингста ашезь юмафта фкявок поголовья, а мекилангт пяк касьс. Сорокина ялгась аф кунара примаф ВКП(б)-нь членонди кандидаткс.

Тягушева ялгась работай тьяжа колхозса коноплеводческий бригадаса звеневодкакс. Сонь звенац макссь волокна 20 центнерхт, но макссь обязательста тья кизоня сямомс каньфонь урожай аф 30 нь центнерда кржа. Сонь звенац кода и сонць работайхть по-стахановски.

Минь няеск, што рядовой колхозницась, арась содави ломанькс сембе районти, сембе районць сямонди пример синь эздост. Тягушева ялгась примоси активной участия общественной эряфса, касьс политический и культурнай эряфоц, эряй зажиточнайста.

И. Белов.

Кочкурово.

## Конференциясь йотась активнайста

Торбеевский райононь кинотеатраса июльте 10-це шистонза ульсь йотафтф стирьнянь и од авань конференция, коза састь 205 ломатть. Тя конференциясь стирьнятненди и од аватненди ульсь оцю праздниккс. Синь састь гармошкаса, мора мархта.

Конференцияса ВКП(б)-нь райкомть секретарец Карпов ялгась тийсь доклад "стирьнятнень и од аватнень йоткса работась и крепостнический пережиткатнень каршес тюремать колга". Пренияса корхтасть 24 ломатть, конат пяк

критиковандазь районнай организациятнень синь калдыв работаснон инкса.

Конференциясь кочкась республиканский с'езду делегатт. Резепкинат—Торбеевский МТС-нь комбайнеркать, Асташевать—"Коминтерн" колхозть полевой бригадиркац, Аксенова "Ленинть киц" колхозста, Мезина "Красная Мордовия" совхозонь трактористкась.

Конференцияда меле делегаттненди ульсь няфтьф кинокартина.

С. Бабин.

## Стирьнятне колхозса

Ульсь калдыв авать эряфоц царский Россиять пингста. Сонь лангсонза издевались, ашельхть кодамовок политический праванза. Илякс арась народть эряфоц Советский власть пингста.

Сире—Теризморга велесь ульсь инь отсталый велекс. Шовдашись, конац тийфоль царский самодержавиять мархта, муцязень стирьнятнень стака работаса. Тяни тья велесь арась аф содавикс.

Тяни Теризморгаса лама стирьнят работайхть социалистический паксяса и гординдайхть эсь колхознай трудснон мархта. Омбоце бригадаса Беспаловась, Чевтайкинась, Начкинась лувондовихть стахановкакс. Синь кочкома кампаниять пингста нормаснон пяхкотькшнесь 150 процентс.

Нят стирьнятне июльте 8-це шистонза ульсь кучфг районнай конференциясь, а конференциясь Польшайкина ялгать кочказе од авань и стирьнянь республиканский с'езду делегаткакс.

И. Довин.

Шайгав.

## Аньцек минь странасонк авась счастливой и радостнай

Минь странасонк авась сембода счастливой мирса. Сонь навсегда лангстонза валгсть кабалатне, навсегда машффт алять и авать йоткса неравенствась. Авать равнайхть праванза алять мархта. Кда наксада царский Россиять пингста арьсесть, што авась не может алять лаца работамс, што авась аф способнай руководить государсвать мархта, массать мархта. Тяни, минь странасонк нят религиозно-крепостнический пережиткатне прокс машффтг. Советский авась, фабрикаса, заводса, колхозса, совхозса, общественной работаса няфни замечательнай работань образецт.

—Мон работань Рузаевкань районца, Пайгарма велеса вельсоветонь председателккс. Цебарь работазень инкса монь примамазь ВКП(б)-нь членонди кандидаткс.

Минь, советский аватнень отцовский заботаса окружил Сталин ялгась. И минь советский аватне партиять и Сталин ялгать васеньце тердемандь коряс любой минутаста аноктама арелямс счастливой социалистический родинаньконь и аноктама, кда эряви, максомс эряфоньконь, тья радостнай и счастливой эряфть инкса.

М. Буданова

Рузаевкань р-н.



ИЛЬИНА МАРИЯ НИКОЛАЕВНАСЬ  
Рузаевка райононь Перхляй велень колхоз-стахановкац.

## Ладямс минь йотксонк работать

Тейне 17 киза, колхозса работань рядовой колхозницакс. Честнайста и добросовестнайста работаь, мон кочкома кампанияста тиенден 3 трудошинь. Эрь шиня работаь 1937 кизоня мон тиень 400 трудошиг. Трудсь—тя монь кельговикс тевозе.

Минь велесонк калдыв ся, што стирьнятнень мархта кодамовок работа аф йотафневи. Стирьнятнень йоткса работась катф эсь отям молемати. Минь мархтонк собраният аф йотафневихть, общественнай работас синь аф тарксевихть. Вов например, мон колхозса работань цебарьста, производственной норманень пяхкотькшнесайне вельф. Но содасы ли комсомольский организациясь, кода мон работав? Аф, аф содасы. Велесонк улихть нинге религиозно-крепостнический пережиткат. Цюратнень стирьнятненди отношениясна хамский. Вов, например, комсомолец Семенковсь издевается эсь урьванц лангса, но комсомольский организациясь Семенковть мархта кодамовок мерат тячимс ашезь прима.

Тя сембе калдыв работась няфнесы, што Перхляй велень комсомольский организациясь од стирьнятнень эзда касы калдывста.

Надиян, што районнай конференцияда меле стирьнятнень и од аватнень йоткса работась ламода цебарьгады.

М. Ильина.

Рузаевкань р-н



Снимкаса: Никелировочнай заводонь мастерскойса мастер—стахановец Андрей Петрович Сергеевсь проверендасыне выигрышень таблицаца эсь уноконц Лукин Гришась мархта эсь облигациязон. Гришась тонафни Горьковский воднай транспортонь инженеронь институтонь рабфакса. Йотай кизоня сьоксенда Сергеев ялгась эсь облигациязон лангс выиграл 150 цалковайхть.

Фотоь В. Сондактъ (Пресеклише\*).



БУДАНОВА МАРИЯ СЕМЕНОВНАСЬ  
Рузаевкань райононь Пайгарма велень советь председателен.



## Китайса военной действиятне

### Центральной Китайса

Основной военной операциятне, кода и инголи, молихть Янцзы лять долинанц эса, Хукоут мала-са и лять кафеке берягонзон эса. Шорямок, кодама-ба питни афоль уль йотамс лятье Ханькоути, штоба использовандамс флотонц преимуществанц, японешне Ухуть мархта Аньцинть йоткс Янцзы лять лангс пуроптсть 150-шка различной суднат.

Цзюцзян ошсь, конач ащи Хукоут эзда сядя вяр, китаешне укрепиндэз. Японский авиациясь йорай срафтомс тя укрепление. Аф надямок, наверна, курокста йотамс Цзюцзянть туркс, японский командованиясь развернул операциятне лять кафеке берягонзон эзга, штоба йотамс укрепления коське вастова. Лама пунктова, штоба арелямс фланкнень, японешне валхть аф ою пехотной десантка. Китайский частине и партизантне сембе лять кувалмоса японешнень мархта заняф Хукой Пынцзе ошнень алла ширесост—действовандахть японешнень каршес. Штоба йотамс цзюцзянский укрепления, и тимс угроза Нанчантти, японский командованиясь правжась Хукоуста моторной лодкаса Поянху (Янцзы эзда югшири) эрхкти протокнень эзга войскаш ою отряд.

Цзюцзянть и Нанчанть районозонза продолжают сашендомс од, (свежай) подкрепления.

Японский авиациясь аф лоткси лиендема японский флот лангс Янцзы эса. Июльть 10-це шистонза китайский летчикне бомбардировандаз Ухоут мала-та японский эскадрат, конач ашесь 16 карабляста. Фкя кораблять ваяфтоз, кафтнень эса тиевсь

пожар. Японский самолетне не могли воспрепятствовать кораблятнень бомбардировкаш каршес, тага поздазе кеподемс воздухти, китайский эскадрильясь эвондась сядя инголи китайский сведениятнень коряс, 1,5 ковста китайский летчикне тисть повреждениат 30 японский карабляндисья лувксса авионесеитге, конач эса мядондафт 30-да лама самолетт.

Рнглийский печатьсь пачфни, што ою тревога японешнени тисть китайский войскашнень и партизантнень решительной операциясна Нанкин-Шанхай Ханчжоу треугольникса. Чанжоу станциянь районти (Нанкин Шанхай машинакить лангса). Эцесть 4-це народнореволюционной армиять одс сформированной часыенза. Тя армиять ою пильксон ащи ингольден китайский Якстерь армиять Цзянсу Фунцянци и Цзянси провинциятнень эса боецонзон и командиронзон эзда. Чанжот мала-са ожесточенной бойхть. 4-це армиять омбоце колоннац развертывает операцият Ванпу лять (конач шуди Шанхайть пачк) юг и восток ширесонза. Тя колоннац командиронц—генераль Хан-Ин передовой отрядонзон мархта йотазе Путунть (Путунц—тя Шанхайть южной окрестонза), кося тани молихть вишке бойхть.

### Северной китайса

Шаньси провинцияса бойхне молихть аф анычек югса, но и северсонга. Июньть мекпильден шинзон эзда, китайский войскашнень сязе машинакить Датунть эзга 90 километрат север шири. Датунть эзда 40 километрань вастса китайский партизантне разгроминдэз японский разведывательной отрядт, 40 японеш шавсть и сязе 30 винтовкат.

(ТАСС).

## Пяшкотькшнемс одломаттнень Запроснон

Советский одломаттне эрйхть счастливый, радостный эрйфса. Синь комсь киза ни афсодайхть вачаши, угнетения. Советский власть пингста правительствась нолни средстват, штоба йотафтомс синь йотксост политико-воспитательной работа, штоба синь газета и журнал вельде содалезь царский гнетт сталмонц. Кожалению тяфтама условият кой кона велеса не созданныхть. Каргаша велеса лувондови пук лама одломань, синь пач ою желаниясна марса лувон-

домс газетат, журналхт. Синь ламоксть корхнесть велень советонь председатели, што клубсь эрйви петьфтемс, но нят запроснень ашезь лова эрйвиксонди. Клубсь тя пингсти самс ащи апак петть. Кизефнесась, ламос ли тяфта кармйхть работама велень руководителхне и курокста ли шарфтихть мяль районной руководителхне синь „работаснон“ лангс.

Паршин.

Зубово-Поляна.

## Займась нинге сядя пях кемокстасы минь странаньконь мощенц

„Дубитель“ заводонь комсомольский организациясь ою радость мархта васьфотезе правительствать постановленианц займать нолдаманц колга. Комсомолецне йотафтсть митинг, кося выступающей ялгатне корхтасть, што займась нингя сядя пях цебарьгафтг минь родинаньконь трудяензон благосостояниаснон, тя мероприятиясь ащи оржа оружиякс интерентнени, конат порихть пейснон эса минь родинаньконь лангс, конат йорайхть калафтомс минь мирнай трудоньконь. 25 комсомолецт сьорматфсть займас фкя ко-вонь окладснон питнес.

И. Паршин



Снимкаса: Чжоуэн-Лай коммунист, китайский виднейший политический деятель, Кантона Вампунь школаса полит-отделонь ингольден начальниксь.

Союзфото.

Зубово-Поляна

## Физкультурась и спортсь

### Достойнайста васьфтьсаськ Ленинский комсомолть 20 кизонзон

Курок топоди минь Ленинский комсомолоньконди комсь кизот. Ти шити аноклайхть одломаттне, конат петьфема преданнайхть большевистский партияти. Ленинский комсомолсь, конач лангса руководит партиясь, социалистический строительства примоси активной участия, значительной васта физкультураса заньци Ленинский комсомолсь.

Саранск ошнень добровольный физкультурной организациясь „Спартаксь“ сязе лама обязательстват эсь лангозонза, штоба достойнайста васьфтемс Ленинский комсомолть комсь кизонзон. „Спартаксь“

сязе тяфтама обязательстват: организовандамс ниле од производственной коллектифт, касфтомс обществань четтнень лувксснон 400 ломанец, йотафтомс докладти и беседат политический темас коря, физкультурать и комсомолть колга, нолдамс стенгазетань специальной номер, конач ули посвященной комсомолть 20-сь кизонзонды, йотафтомс соревнования артельхнень йоткса. Йотафтомс агитвелопробег сисем районга, конач посвященной Ленинский комсомолти.

Купор.

### Физкультурать юкстазь

Левжа велень колхозникнень ою мяльсна занимадамс физкультураса. Организовандасть физкультурной кружок, кона кружокти суvasь лама колхозник. Синь тийсть запрос Рузаевкань райСФК-ти

штоба сон максоль инструктор. Ламос учсть, но теест ашесь куча инструктор и физкультурной кружоксь тяниенге аф работай.

А. С.

Рузаевкань р-н.

### Уемаса республиканский соревнованиятне

Июльть 12-це шистонза ушедсть уемаса республиканский соревнованиятне. Васенцеда ушедсть авань соревнованиятне 50 метрань кувалмос Лучший результат няфть: Жамкова (Саранск) 52,4 секунд, сон занязе васеньце вастть Елисеева (Краснослбодск) 53 секунд, занязе омбоце вастть, Орловас (Инсар) 53,3 секунд, занязе колмоце вастть.

Тяда меле выступили алятне 100 метрань кувалмос. Тяся цебарь результатт няфть: Неверов (Краснослбодск) 1 минута 27,5 секунд, конач и занязе васеньце вастть. Атрыганьев ялгас (Краснослбодск) 1 мин. 30,1 секунд занязе омбоце вастть, Зорькинц (Саранск) сязозе колмоце

вастть 1 мин. 30,6 секунд.

Сядя тов мольтфевсть аватнень соревнованиясна 100 метрань заплывса. 1-це, 2-це и 3-це васттнень зайняз Блюмова ялгас 2 минутат 00,3 сек., Лиманова (Рыбкинаста) 2 мин. 05,1 сек., Жамкова 2 мин. 08,8 сек.

И мекольцеда выступили алятне 200 метрань заплывса. Атрыганьев (Краснослбодск) 3 мин. 29,2 сек. занязе васенце вастть, Якушев (Саранск) 3 мин. 33,2 сек., зайняз омбоце вастть, Ушаков 3 минутат и 34 сек.

Программать заключенияста ульсь продемонстрировандаф вышкаста комотнемат.

Соревнованият йотафтомаса главнай судьясь—Мельников.

### Пионерский лагери

„Тя весь Петров Саша, кода и сембе лагери сряхай иттенди, марьясь пях кувакста, сон бта ашезь максе возможность спокойнайста удомати. Сашась веть ламоксть стяхкнесь и ванондсь вальмава шовда ушу, но сон мезевок ашезь марсье кизонь сетме варманянь уфамадонза балка. Тумок вальмать эзда, аф кайги валса корхнесь тядянтгь:

— Тядяй, а тядяй, мзяра пингсь? Тядяй пях курокста стяс и ласковой валса отвечась:

— Пингсь кража, эрйви теить ваймаме. Содаса мзярда эрйват стяфтомс тонь.

Нят тядянь валхне ашезь успокоиндакшнне Сашат, сон сембе сякокс, хоть удомац сась, но ашезь уда.

Сась шовдавась. Шовдавань шинь нинге писта ашезь пиде равжа модаль пулю шаманц лангс. Сашась кармась корхтама. Маразень сембе вещканзон чемофанозонза, сязозе кядезонза, но тумс ульсь пях рана.

Стрелкась няфнесь 12 частт. Сашась сязозе чемофанонц и тусь пионеронь кудть вакс. Тяся ульсь ни лама ялганза, конатнень мархта тонафнесь фкя школаса. Синь анычек аф кунара отличнайста и цебарьста аделазь тонафнемаснон школаса. Аф лама пингта меле тя вастти пурометь 200 школьницт-пионерхт. Фкя ковань пингс синь тия шиня кадась Мордовский республика-ть цветущай столицанц — Саранск ошть.

Тя шиня 200 итть радостна прощандасть родительснон мархта. Синь родительсна бта аф прощандасть родной цюраяснон и стирьяснон мархта, а

меклангт синь мяльсна ульсь пях цебархть, бта васедсть ламос ашан-няхть цюраяснон, стирьяснон мархта.

Пионерхнень родительсна содасаь што синь идьсна мирса инь счастливый итть, што синь идьсна молихть пионерский лагери, штоба кемокстае шумора-шиснон, штоба пуроптомс лама выйда сай тонафнема кизот ушедомс тонафнема отличнайста.

Иттеннь мяльснон кепсезе обмощить шовдавац, мзярда синь ульсь ни пионерский лагерьса. Шовдавань шис-пидесь нинге сядя пях писта. Синь марьясь пряснон пях цебарьста. Синь пачкодсть стама вастти, кося перьопяльде синь кружасазь красивой при-родась, вирь. Сура лийсь и стаг тов Синь веселай моросна и рахамасн сраткшнесь ти вирьге. Баянт вайгялет нинге сядя пях кепсезень иттеннь мяльснон. Синь кписть, морась. Во мзярда синь кармась эрйма нинге сяд радостнайста. Тяфта веселаста иттеннь йотафнесазь эрйфснон лагерьса.

Большевистский партиясь, иттеннь другсна Сталин ялгас шарфни альян-забота советский странань трудящайхнень идьснон ширес. Созданныхть сембе условиятне, штоба иттенне цебарьста ваймалхть, цебарьста тонафнелхть.

Тя отеческий заботаль инкса итти-азондхть ою спасибо Ленинонь—Сталинонь партияти сяс, мес сонь руководстванц вельде иттенне касыхть коммунистический обществань активнай-строителькс.

А. Щеглов.

Саранск ош.

Ответ. Редакторть инкса Н. АЛЕМАЕВ.